

四庫全書

集部

欽定四庫全書

聖祖仁皇帝御製文第二集卷四十五目錄

古今體詩五十九首

初秋晚雨後觀儀器

初秋詠竹

閒坐詠竹

詠金蓮花

祝巴林淑慧大長公主詩

并序

戲題自鳴鐘

春日舟行

夏日幸潞河雜詩三首

親閱運河堤

舟泊潞河

千葉蓮

題耕織圖

耕

第一圖 浸種

第二圖 耕

第三圖 耙耨

第四圖 耖

第五圖 碌碡

第六圖 布秧

第七圖 初秧

第八圖 淤蔭

第九圖 拔秧

第十圖 插秧

第十一圖 一耘

第十二圖 二耘

第十三圖 三耘

第十四圖 灌溉

第十五圖 收割

第十六圖 登場

第十七圖 持穗

第十八圖 春碓

第十九圖 簾

第二十圖 簸揚

第二十一圖 礮

第二十二圖 入倉

第二十三圖 祭神

織

第一圖

浴蠶

第二圖

二眠

第三圖

三眠

第四圖

大起

第五圖

捉績

第六圖

分箔

第七圖

採桑

第八圖

上簇

第九圖

糸泊

第十圖

下簇

第十一圖

擇繭

第十二圖

害繭

第十三圖

練絲

第十四圖

蠶蛾

第十五圖

祀謝

第十六圖

緯

第十七圖

織

第十八圖

絡緯

第十九圖

經

第二十圖

染色

第二十一圖

攀花

第二十二圖

剪帛

第二十三圖

成衣

欽定四庫全書

聖祖仁皇帝御製文第二集卷四十五

古今體詩五十九首

初秋晚雨後觀儀器

從容更覺靜悠悠
片片荷香送小舟
日落開牕雲外景
風清拂戶雨中秋
寬懷自有數行字
樂志須操一算籌

向日最喜
天文算法
萬物無窮最易曉
其間諸象列天球

初秋詠竹

森萃青青繞碧塘
霜姿靄靄動幽香
寒風不變終身節
綠葉紛然映晚涼

閒坐詠竹

門外千竿細竹牕
前萬朵鮮花秋寒衆
色皆變惟爾霜
姿可嘉

詠金蓮花

迢遞從沙漠孤根待品題
清香拂檻入正色與心齊
磊落安山北參差驚嶺西
炎風曾避暑高潔少人躋

祝巴林淑慧大長公主詩

并序

公主秀毓天潢祥鍾坤順為

皇考同氣之親淑容懿範儼若

慈闈履貴盛而沖和居顯榮而祇慎耆年令德宗黨式
欽惠澤淪洽於遠人徽柔著聞於中外數十年來篤
愛朕躬禮周意摯故常迎留京邸晨夕相依用展敦
睦之義惟祝遐齡康豫馴致期頤俾得色笑恒瞻德
音長奉藉以慰朕追慕

慈寧之永念豈不休歟爰賦五言以介眉壽

長祝南山壽願言北斗詩祥開應帝女釐降自金枝沙
漠黎心服坤貞天下知年年慶人瑞歲歲賞瑤池

戲題自鳴鐘

晝夜循環勝刻漏綢繆宛轉報時全陰晴不改衷腸性

萬里遙來二百年

此器至中國
二百年矣

夏日舟行

靈液開僊仗清暉映碧波黃鸝鳴茂樹歸雁戲青莎水

曲蒲帆轉岸迴錦纜過三春曾布德月下聽謳歌

夏日幸潞河雜詩三首

水色連天四望收輕舠桂楫放中流東南惟有長江勝
一片雲帆萬里遊

其二

曾記當年幸潞河翠旌熠燿映微波臨流士女爭瞻望
不禁扁舟唱櫓歌

其三

野雲漸起罩斜陽暮泊平沙覺水涼初更未寢吟詩句
靜見爐中焚異香

親閱運河堤

舊歲陰霖勝憂勤億兆難析津通鵲渚形勢接桑乾物
理常求治朝堂亦自安運堤久未整岸堰最宜完夾道
黎民悅沿河老幼歡雲容隨豹尾暑氣擁仙鑾九醞賢
人酒三漿龍鳳團匡牀搜典故流水奏幽蘭擢響逼前
駕漁歌進小灘去回四百里舟次五雲端

舟泊潞河

萬里帆檣宛轉來炎天繫纜泊河隈
長江曾著操舟說短夢頻思作揖才
隔水脩脩秋麥起繞林處處野花開
從容披閱依書幌靜爾忘言憶九垓

千葉蓮

禁苑初秋玉殿涼綠荷經瀨遞清商
千英水面重重豔幾度風前柄柄香
宮女移船搖紺葉近臣載筆詠紅芳
定心坐對西山靜不管穠纖映夕陽

題耕織圖

耕

第一圖

浸種

暄和節候肇農功自此勤勞處處同
早辦東田種黍種
褰裳涉水浸筠籠

第二圖 耕

土膏初動正春晴
野老支筇早課耕
辛苦田家惟穡事
隴邊時聽叱牛聲

第三圖

耙耨

每當旰食念民依
南畝三時願不違
已見深耕還易耨
綠蓑青笠雨霏霏

第四圖

耖

東阡西陌水潺湲
扶耖泥塗未得閒
為念饔飧由力作
敢辭竭蹶向田間

第五圖

碌碡

老農力穡慮偏周
早夜扶犁未肯休
更駕烏犍施碌碡

好教春水滿平疇

第六圖 布秧

農家布種避春寒
甲坼初萌最可觀
自昔虞書傳播穀
民間莫作等閒看

第七圖 初秧

一年農事在春深
無限田家望歲心
最愛清和天氣好
綠疇千頃露秧鍼

第八圖 於蔭

從來土沃藉農勤豐歉皆由用力分
難草灑灰滋地利
心期千畝稼如雲

第九圖

拔秧

青蔥刺水滿平川移植西疇更勃然
節序驚心芒種迫
分秧須及夏初天

第十圖

插秧

千畦水澤正瀾瀾競插新秧恐後時
亞旅同心欣力作
月明歸去莫嫌遲

第十一圖 一耘

豐苗翼翼出清波
莢稗叢生可若何
非種自應艾雜盡
莫教稂莠敗嘉禾

第十二圖 二耘

曾為耘苗結隊行
更憂宿草去還生
隴間餽饁頻來往
勞勩田家婦子情

第十三圖 三耘

穉稭盈畦日正長
復勤耨耨蓂下方
塘堪憐曝背炎蒸下

惟冀青疇發紫芒

第十四圖

灌溉

塍田六月水泉微
引溜通渠迅若飛
轉盡桔槔筋力瘁
斜陽西下未言歸

第十五圖

收割

滿目黃雲曉露晞
腰鑣穫稻喜晴暉
兒童處處收遺穗
邨舍家家荷擔歸

第十六圖

登場

年穀豐穰萬寶成築場納稼積如京迴思望杏瞻蒲日
多少辛勤感倍生

第十七圖

持穗

南畝秋來慶阜成瞿瞿未釋老農情霜天曉起呼鄰里
徧聽邨邨打稻聲

第十八圖

春碓

秋林茅屋晚風吹杵臼相依近短籬比舍春聲如和谷
家家篝火夜深時

第十九圖 籬

謾言嘉穀可登盤
糠粃還憂欲去難
粒粒皆從辛苦得
農家真作雨珠看

第二十圖 簸揚

作苦三時用力深
簸揚偏愛近風林
須知白粲流匙滑
費盡農夫百種心

第二十一圖 磬

經營阡陌苦胼胝
艱食由來念阻饑
且喜稼成登石磴

從茲鼓腹樂雍熙

第二十二圖

入倉

倉箱頓滿各欣然補葺牛牢雨雪天盼到蓋藏休暇日
從前拮据已經年

第二十三圖

祭神

東疇舉趾祝年豐喜見盈寧百室同粒我烝民遺澤遠
吹豳擊鼓報難窮

織

第一圖

浴蠶

豳風曾著授衣篇蠶事初興穀雨天更考公桑傳禮制
先宜浴種向晴川

第二圖

二眠

柔桑初翦綠參差陌上歸來日正遲邨舍家家簾幕靜
春蠶新長再眠時

第三圖

三眠

紅女勤劬日載陽鳴鳩拂羽恰條桑只因三臥蠶將老

翦燭頻看夜未央

第四圖 大起

春深處處掩茅堂
滿架吳蠶婦子忙
料得今年收繭倍
冰絲雪縷可盈筐

第五圖 捉績

連宵食葉正紛紛
風雨聲喧隔戶聞
喜見新蠶瑩似玉
燈前檢點最辛勤

第六圖 分箔

愛逢晴日映疎簾
新綠如雲葉漸添
天氣晴和蠶事廣
移筐分箔徧茅檐

第七圖 採桑

桑田雨足葉蕃滋
恰是春蠶大起時
負筐攜筐紛笑語
戴鶯飛上最高枝

第八圖 上簇

頻執纖筐不厭疲
久忘膏沐與調饑
今朝士女歡顏色
看我冰蠶作繭時

第九圖

炙箔

蠶性由來苦畏寒深垂簾幕夜將闌爐頭更熱松明火
老媪殷勤日探看

第十圖

下簇

自昔蠶繅重婦功曾聞獻繭在深宮披圖喜見纍纍滿
茅屋清光積雪同

第十一圖

擇繭

冰繭方堪作素紬重綿亦藉禦深寒就中自有因材法

揀取筐間次第觀

第十二圖

害繭

一年蠶事已成功歷數從前屬女紅聞說及時還害繭
荷鋤又向綠陰中

第十三圖

練絲

炊煙處處繞柴籬翠釜香生煮繭時無限經綸從此出
盆頭喜色動雙眉

第十四圖

蠶蛾

蛾兒布子如金粟水際分飛任所之莫令繭絲遺利盡
來年留作授衣資

第十五圖

祀謝

勞勞拜簇祭神桑喜得絲成願已償自是西陵功德盛
萬年衣被澤無疆

第十六圖

緯

綠陰揜映野人家每到蠶時靜不譁一自夏初成繭後
籬邊新聽響繅車

第十七圖

織

從來蠶績女功多當念勤勞惜綺羅
織婦絲絲經手作
夜寒猶自未停梭

第十八圖

絡緯

無衣卒歲早關情
寒氣催人蟋蟀聲
茅屋疎籬秋夜永
短檠相對絡絲成

第十九圖

經

織紵精勤有季蘭
牽絲分理製羅紈
鳴機來往桑陰裏

已作吳綃匹練看

第二十圖

染色

凝膏比潔絡新絲傳得仙方色陸離一代文明資貴飾
須教五采備彰施

第二十一圖

攀花

巧樣爭傳濯錦紋堪憐織女最殷勤雲章霞綵娛人意
自著尋常縞布裙

第二十二圖

剪帛

手把齊紈冰雪清
秋衣欲製重含情
逡巡莫謾施刀尺
萬縷千絲織得成

第二十三圖

成衣

已成束帛又縫紉
始得衣裳可庇身
自昔宮庭多澣濯
總憐蠶織重勞人

聖祖仁皇帝御製文第二集卷四十五

欽定四庫全書

聖祖仁皇帝御製文第二集卷四十六目錄

古今體詩四十二首

二月三十日親統六軍徂征漠北

出居庸關

赤城

龍門

過獨石口

出塞訓厲軍士

北藩諸部君長來迎

沙漠二首

風雪致禱遂爾晴霽

賜皇子允祉

賜皇子允祐

春寒軫念將士

途中新夏

經明成祖勒銘處指示扈從諸臣

并序

賜皇子允祺

帳殿對雨念畿輔四方農事

賜將士食

違

皇太后定省言懷

行殿示諸皇子

瀚海

營夜南望北斗

雁棲沙磧

有序

時乏水於山坡得泉志喜

克魯倫河上流雨後草生

登山巔下瞰克魯倫河周覽山川形勢指麾營陣

渡克魯倫河網魚暫駐待後軍至

軍中夜嘗擐甲達旦

噶爾丹潰遁遂窮追之

剿滅噶爾丹大捷

自賊中投誠來者皆宥之

遣使示皇太子捷音

示宮中捷音

班師次拖陵

班師拖陵留皇長子允禔殿後示之

行間賜大學士張玉書

外蕃諸部落絡繹來賀宴賚之

入關見雨膏潤澤禾苗茂遂喜而有作

彈琴峽

南口

入京見百官及耆民童穉歡迎道周

賜將軍孫思克

欽定四庫全書

聖祖仁皇帝御製文第二集卷四十六

古今體詩四十二首

二月三十日親統六軍徂征漠北

惟天盡所覆眷命畀我清
自予蒞鴻祚恒願銷甲兵
狡焉窺北疆屬國橫相撓
夙昔張撻伐兇醜皆顛傾
赦之釋不誅開網全其生
怙終恣跳梁邊鄙搖羣情
皇皇仁義師聲討必有名
春雪灑貝冑朔風捲龍旌
睠茲驅虎

士金革勞遠征於鑠振我武赫赫揚天聲

出居庸關

羣峰倚天半直北峙雄關古塞煙雲合清時壁壘閒軍
鋒趨朔漠馬蹟度重山漸向邊城路旌旗疊翠間

赤城

慈宮曾駐此溫泉展轉依稀廿五年今日征途冰未解

當時凍嶺雪還全

往年奉
臨幸之際

即是此時

太皇太后
漸近邊關風

土別長驅旌旆岳山連孤城寒重深宵靜敢卜龍沙奏

凱旋

龍門

絕巘何時鑿五丁
雙崖萬仞闢門屏
潺湲塞水嗟峨石
振旅歸來定勒銘

過獨石口

關名獨石插遙天
路繞青冥絕嶂懸
翠壁千尋標九塞
黃雲萬疊護三邊
霓旌曉度長城月
毳帳春迴大漠煙
總為民生勤戰伐
不辭籌畫在中權

出塞訓厲軍士

鐵馬金戈整六師
鼓行出塞暮春時
邊塵盡埽從今始
莫讓天山建績奇

北藩諸部君長來迎

關山直北盡王臣
屬國侵陵煽亂頻
為靖邊方勤士馬
欲令藩落輯民人
聲靈有赫羣知肅
抃舞來同意倍親
共覩此行清朔漠
保疆綏土俗還淳

沙漠二首

高下龍堆萬馬趨
直將漠外作疆隅
漢家只守飛狐嶺
坐使中原失遠圖

其二

沙磧荒榆細柳多
步行不用蹠鳴珂

時率將士步行

連朝登頓

渾無倦甘苦身先
士荷戈

風雪致禱遂爾晴霽

塞外春深雨雪頻
寒風猶自拂征塵
昨朝遣祀咨宗伯
已見遙天霽色新

賜皇子允祉

玉努金戈壯此行
期門環衛在連營
深居莫忘勤勞意
須識間關出塞情

賜皇子允祐

逆我顏行討必加
六軍嚴肅靜無譁
分營此日如綦布
奮武羣看捲塞沙

春寒軫念將士

大漠春殘雪尚飛
從征車馬正駢駢
風迴沙路迷金勒

寒送冰花上鐵衣每念折衝憑士氣況從絕徼奉天威
六軍同奮赴桓志佇見晴曛滿翠旂

途中新夏

邊草纔青節序更征裘未換入朱明遙思南陌東阡候
正是居人急耦耕

經明成祖勒銘處指示扈從諸臣

并序

朕率師行四十五日至我哨界界內外高阜坡陀大
抵皆黃白沙五色石北行十一里有石瑩然獨出明

成祖北伐刻銘其上時則永樂八年庚寅四月十六日朕今過此適在四月十四日山原猶昔時日同符朕謂明成祖之率師而行也與今日異其時出邊皆敵人也今蒙古悉我効力之人其時皆漢人步卒今我兵悉騎士且熟習邊外之行由此觀之明成祖深入敵中數千里縱橫若行無人之境亦誠難矣我軍若不及彼良可媿也凡聞斯語者當人人自奮焉爰紀其事而繫之以詩

伊昔永樂年征馬嘶朔風磧間銘片石苔蘚磨青銅我行初拂拭夏節欣相同當時月在巳今值清和中後先間兩日彼亦一代雄我武討不庭春發明光宮塞草綠微茁雨雪陰濛濛或言時尚早稍待邊花紅寧知英傑人所見良疏通迅行掩不備兵法貴折衝軍謀在帷殿士氣如虎熊豈不資羣策惟斷斯有功作詩紀其事聊以示臣工

賜皇子允祺

戎行親莅制機宜
柳沐風霜總不辭
隨侍晨昏依帳殿
焦勞情事爾應知

帳殿對雨念畿輔四方農事

氣和時雨降
駐蹕對荒陬
點點侵油幕
霏霏濕翠旂
未知同甸服
果足渥田疇
軫念民依切
馳書付置郵

賜將士食

萬騎擁雕弓
長鳴向北風
龍荒彌曠遠
虎旅正驍雄
戰鼓黃雲外
旌門紫氣中
朕躬方蓐食
與爾六軍同

違

皇太后定省言懷

帳殿風高日影移
庭闈常憶問安時
寸心每自依清禁
慈念遙應繫北陲
柔遠肯教罹疾苦
除殘焉敢惜胼胝
預期露布飛章入
早報瑤階

母后知

行殿示諸皇子

師行日已遠
邊馬風蕭蕭
眷言靖疆宇
寧憚道路遙
彼

寇鄰北藩謫謀聲動搖除惡必拔本根莠隳良苗外攘
內斯安務令金甲銷吾民息轉輸丁男無敝彫一勞方
永逸所戒怠與驕天心鑒此誠雨暘時以調

瀚海

四月天山路今朝瀚海行積沙流絕塞落日度連營戰
伐因聲罪馳驅為息兵敢云黃屋重辛苦事親征

營夜南望北斗

碧琉璃界四垂邊漸覺雲低欲到天為問北來行近遠

果然北斗挂南川

雁栖沙磧

有序

朕親提士旅迅埽邊塵野宿宵興風高月冷慨居人
之絕跡見沙雁之羣栖曠遠蕭條艱難跋涉念茲徂
征之役實殷求定之心睠彼昔賢斐然有作覽遺文
之垂後在息武以寧人夙抱此懷因物興感

為靖風塵夜不眠平沙四顧斷人煙征夫欲度陰山外
北雁偏棲瀚海邊黷武詩書天子戒惟仁經史帝王先

須看戰壘生靈骨弔古文章信可傳

時乏水於山坡得泉志喜

麾兵深入賊巢邊斯地從來乏水泉
報道六軍齊飲馬清流山畔忽涓涓

克魯倫河上流雨後草生

晚從岸曲駐前旌雨歇行營草怒生
一望青青河上色平蕪共聽馬嘶聲

登山巔下瞰克魯倫河周覽山川形勢指麾營陣

策馬登崇岡，岡勢亦崔嵬。浩浩見河流，迢遞西隅來。杳然罕人跡，周覽復徘徊。命我熊羆士，往駐山之隈。旌旗布林麓，寇見應疑猜。六師壓其陣，賊勢立崩摧。麾示諸部曲，號令肅風雷。俯視窟中兔，殄滅同纖埃。

渡克魯倫河網魚暫駐待後軍至

臚胸河水何泱泱，高山發源清。且長漠北經，流數千里東。趨遼海，歸扶桑。夙昔河壩亦沃土，狡寇來據巢。其疆自春徂夏雨澤斷，塞草不綠。川原黃，驚聞我師自天來。

遠渡沙磧思遁藏焚巢裹餓夜竄走老羸穉幼委道傍
朕率輕騎渡河北平沙淺水湔甲裳命士舉網截清流
鮮鱗潑刺河中央笑彼智短氣復懦捐棄形勢奔倉皇
此時中宵自顛沛當年北鄙徒披猖我師英武且整暇
臨河飲馬皆鷹揚黃鉞一麾諸部集回首萬騎方騰驤
軍中夜嘗擐甲達旦

四山風靜建旌旄帳外沙明月高除逆安民非得已
終宵擐甲敢言勞

噶爾丹潰遁遂窮追之

謾道爰爰兔窟多久從西路列旂戈疾馳莫憚追奔力
須使窮禽入網羅

剿滅噶爾丹大捷

殘寇疲宵遁橫衝節制兵我師乘銳氣誰許丐餘生貌
虎三軍合鯨鯢一戰平媿稱謀畫定討罪荷天成

自賊中投誠來者皆宥之

伐叛軍聲震若雷奔亡賊勢已全摧龍荒所至皆蒼赤

許爾投戈向化來

遣使示皇太子捷音

逋寇多年快翦除
風清塞北已迴車
遙知念切馳相慰
驛騎南歸賜捷書

示宮中捷音

向南瞻北斗水際見飛鴻
雪照平沙月雲生大漠風
捷書傳遠塞喜氣溢深宮
奏凱鳴鑾近新荷夏正中

班師次拖陵

戰馬初閒甲士歡揮戈早已破樓蘭
彌天星斗銷兵氣
照徹邊山五月寒

班師拖陵留皇長子允禔殿後示之

北伐經時鐵馬馳自春徂夏歷邊陲
炎風暑雨歸來日
留待旋鑣撫六師

行間賜大學士張玉書

疇昔謀康阜除頑事戰攻若非揚九伐
何以靖三農
古義嚴聲討儒臣在折衝
遐荒風雪裏扈蹕紀軍容

外藩諸部落絡繹來賀宴賚之

諸部名王集扶攜繞御營皆言清朔漠從此樂生成喜
溢車書會歡騰鼓角聲朕懷勤撫恤所志在休兵

入關見雨膏潤澤禾苗茂遂喜而有作

甘雨時霖為洗兵恰逢戰勝武功成軍容萬隊初旋凱
婦子千邨正饁耕天意要荒同職貢人歡閭井共昇平
征途每憶民生事喜見桑麻愜此情

彈琴峽

琮琤流水意彷彿似鳴琴曲度泉歸壑聲兼峽泛吟空
山傳逸響終古奏清音不御金徽久泠泠會素心

南口

鑿輿歷遠度龍城已近郊圻一日程時雨潤來山翠重
更添高下小溪聲


入京見百官耆民童穉歡迎道周

星旂葆羽禁城闔雨霽郊坰不動塵旭日薰風歸凱路
黃童白叟太平人正逢師至經三月敢比苗頑格七旬

從此普天無戰鬪更將休養勗臣鄰

賜將軍孫思克

天討恭行日軍威戰捷時列營張犄角搯吭有偏師立
見窮追盡能承節制奇鷹揚資遠略宿望在西陲



聖祖仁皇帝御製文第二集卷四十六

欽定四庫全書

集部

聖祖仁皇帝御製文第二集卷

四十七至
五十

臣 永瑤 恭 校

侍讀臣孫球覆勘

覆校官中書臣施光輅

校對官主簿臣郭祚熾

謄錄監生臣帥應龍

欽定四庫全書

聖祖仁皇帝御製文第二集卷四十七目錄

古今體詩二十八首

暮秋重出居庸關

登雞鳴山

遙祝

皇太后千秋

蒙古老穉來迎咸勞遣之

閱馬牛羊羣

山行

厄魯特之衆相繼來歸咸詢其父母兄弟妻子
為陣前所獲者覓令完聚

塞外初冬

駐蹕歸化城

古寺

賜宴諸蒙古

歸化城夜月

昭君墓

并序

塞外寒夜書懷

黃河

并序

十一月三日泛舟黃河流凌始下舟行之頃河

水瑩潔波浪忽平

脫脫城

冰渡

鄂爾多斯行圍雉兔甚多

曉寒念將士

河套西望

噶爾丹遣人乞降示議政諸臣

途中長至

示大將軍伯費揚古

入沙虎口

右衛駐蹕

經大同府并序

汗血馬

欽定四庫全書

聖祖仁皇帝御製文第二集卷四十七

古今體詩二十八首

暮秋重出居庸關

亂榆叢柳未經霜
峻嶺崇巒曉色蒼
峽裏細泉流不竭
仍聞太古韻鏗鏘

登雞鳴山

鳥道盤空近塞垣
羊河如帶繞山根
停鑾欲覽沿邊勢

石上藤蘿手自捫

遙祝

皇太后千秋

臨風懷繡宸佳氣望瑤宮月首奠三葉冬遲菊萬叢

十月

十二日始立冬壽尊浮碧螳箋奏託雲鴻景祚綿綿永南山頌

不窮

蒙古老穉來迎咸勞遣之

塞閱雞延建羽旄常因國計不辭勞蒼頭黃口紛然至

天地為心示覆幬

閱馬牛羊羣

邊境地閒敞畜牧多蕃滋掌理各有職水草實咸宜疆
輿裕驅策享宴豐牲犧日給大官庖歲供內廐騎不煩
畎畝力生息頻在茲偶來歷塞垣按轡省所司千羣牝
牡壯萬隊雲錦奇暖就陽坡眠驕向秋原馳非獨充犒
賚兼得佐熊羆夏五破狡虜挂弓天山陞甲士歸伍閒
休養正此時庶物詎云細國用恒相資嘶飲適其性覆

載本無私

山行

古木荒山落葉稀
寒流幾曲漾斜暉
馬蹄行徧龍堆路
總是金湯戶外扉

厄魯特之衆相繼來歸
咸詢其父母兄弟妻子為
陣前所獲者
覓令完聚

締宇莅八表一視貴同仁
苟有不得所此中常肫肫荒
裔乃異類
獠驚性頑嚙橫戈臨朔漠
窟穴頓淪湮將士

俘擒衆竄遁僅及身遁亡日來投稽首心誠諄念彼骨肉離咸為加撫詢廣諭命尋識使得完天倫歡聲繼感泣寒塞生和春綏柔寓大權萬物歸鴻鈞

塞外初冬

陰山南去雁行多渺渺沙原六御過報是初冬新律改依然霜曉氣暄和

駐蹕歸化城

一片孤城古塞西霜寒木落駐旌霓恩施域外心無倦

威懾荒遐化欲齊歸成健兒欣日暇放閒戰馬就風嘶
五原舊是烽煙地

相傳舊屬五原郡地

亭障安恬靜鼓聲

古寺

入望香臺迴巡行陟歷遙磬聲清靜夜旛影颺晴霄梵
相金泥古經廊畫壁凋登臨縱遐矚紫塞接宮堯

賜宴諸蒙古

羽林列隊宴行宮內外綏懷一體中霜仗輝煌明塞日
晴旂宛轉捲邊風人雷桐酒羣情洽樂合羌笳率舞同

卉服絨裘無老幼歡然盡識化鈞公

歸化城夜月

此際殊方月關山遠近看清輝
臨玉帳皎色耀金盤
煙野照逾闊霜空夜未寒
坐消行漏永沙塞絕風湍

昭君墓

并序

匈奴梗化邊陲自周秦漢唐無代不有頃朕於春夏
親統六師破厄魯特噶爾丹於克魯倫河西北復於
秋九月西巡由張家口出塞撫察我邊鄙厄魯特敗

殘之衆降者踵至其頭目來歸者咸予近職開誠示
信絕無猜疑冬十月十三日至歸化城為我兵屯戍
之所城南十餘里土阜突然傳為昭君墓即志所云
青冢也昔有不得志於功名或身遭遷謫往往託昭
君怨而為詩以寫其抑鬱則在當日之怨極而悲又
不知何如此冢之留茲土適足為漢譏焉我國家興
圖遠大遐邇諸部落世世臣屬奔走不暇凡有驅策
如臂之使指甘為僕婢而不辭恒自緬懷前烈敢不

慎修思永夫昭君墓何足詠也因之有感於治理遂
成八韻

南北分天地存亡見廟謨含悲辭漢主揮淚赴匈奴目
睹當年冢心懷四海圖葆旌巡遠徼藩落効馳驅欲笑
和親失還嫌餌術迂

漢賈誼策言用
五術以餌匈奴

開誠示異族布化

越荒途漠漠龍沙際寥寥雁塞隅偶吟因有觸意獨與
人殊

塞外寒夜書懷

帳殿深沈夜未眠靜思籌略聽羌絃金甌更闢千千里
瀚海無波萬萬年露冷宵寒凝翠幕塞高風定歇征韉
旁人莫道行兵遠自有單于首到邊

黃河

并序

河源發於塞外流經萬里餘始由中土入海曩曾遣
使探流窮源河之為利為害莫不洞悉近以巡省邊
隅駐蹕湖灘河朔一水滌洄自西北來流不甚濁而
波緩岸隘而土堅白草蕭蕭黃沙彌望其中環抱約

地千二百餘里草豐水美便於畜牧明弘治間淪於
外彝地逼秦境時相寇擾故諸臣每言不宜棄此衆
議紛然人多不察恒惜其言之未用然使當日即用
其言加兵塞外揆理度勢豈遂能驅而遠之亦必徒
勞士馬耳朕嘗以收復河套之論謂其心忠於國則
可謂其灼見事機言之可行則未然也國家威德所
布龍荒大漠與河套盡入版圖諸蒙古歲修貢獻奉
職惟謹非務德意綏柔詎兵力之所可致耶故臨流

增思詩示永久

洪流遠且長迢遙逾塞垣旋繞幾曲折沙雜波濤渾漸
下漸開拓建瓴勢迅奔所經雖繇邈脈絡自有根東南
藉輓輸疏淪頻討論昔歲省隄防淮濟親臨軒今茲歷
大荒羽衛成雲屯峻嶒兩岸間天寒落漲痕冰澌斷更
續晶晶耀朝暎此中地沃饒水草佳且繁昔人議收復
斯舉誠難言觀俗撫幽遐老幼爭攀援殊方亦蒼赤咸
施沐浴恩期令歸化意來者如河源晝夜入滄海包括

彌乾坤

十一月三日泛舟黃河流凌始下舟行之頃河水

瑩潔波浪忽平

黃濤何洶洶寒至始流凌解纜風猶緊移舟浪不興威
行宜氣肅恩布覺陽升化理應多洽囂氛頃刻澄

脫脫城

土墉四面築何堅地歷長河尚屹然國計思清荒服外
早將糧粟實窮邊

冰渡

雲深卓萬騎風勁響千旗半夜河水合安然過六師

時河

冰未合師行之頃忽報可渡次早如行平地

鄂爾多斯行圍雉兔甚多

地敞沙平河外天合圍雉兔日盈千籌邊正欲勞筋骨
時控雕弧左右弦

曉寒念將士

長河凍結朔風攢帶甲橫戈未即安每見霜華侵曉月

最憐將士不勝寒

河套西望

往代存虛議今為我外藩
河環沙磧暖境闊草灘繁
錯落綏延接迷離朔漠吞
時巡曾不到特示撫柔恩

噶爾丹遣人乞降示議政諸臣

醜類蠢頑思負固干矛指處
朽枯摧空勞狡計營三窟
卓有深機布九垓窮犬始為
搖尾策奔狼聊作乞生哀
無私何靳恢湯網未必真誠
款塞來

途中長至

關塞經時蹕未回
律逢葭琯暗飛灰
遙知日晷添宮線
暖閣前頭放早梅

示大將軍伯費揚古

仗鉞親驅寇分麾
扼要先戰能遵指
授動輒秉機權
鴉鳥巢全覆妖狐命
苟延樓蘭須共滅
功勝勒燕然

入沙虎口

秋末巡沙塞冬深六轡還
野迴千澗水雲掩百重山
獵

獵寒風勁駸駸班馬閑
勤勞因國事計日對

慈顏

右衛駐蹕

西陲古鎮雄土俗亦唐風
邊候年催箭遙天月似弓
干戈分禁旅控制接雲中
細柳新營舍精嚴面面同

經大同府

并序

大同古之雲中外與五原陰山相接
內連雁門朔代最為要地
自昔軍旅之所屯戍商賈之所往來
雖厥

壤寒瘠俗實佻靡明武宗託言巡邊每來遊幸留輒數月為後人所議朕撫輯龍荒一歲之中再行塞上由大同至歸化城路稍遠而地暖由張家口至歸化城路稍近而地荒前獨取道張家口者蓋有故焉茲以將士久露於外候寒草枯人騎糗芻非內地不便遂入沙虎口過右衛經大同城念民徭役蠲除明年租特勅六軍一宿而過曩朕兩幸南省惟以察民疾苦興利除弊為務其山川風土隨意覽觀而已此行

不辭勞瘁親冒霜雪期欲早靖沙漠又非南巡可比
朕平日凡涉一境歷一事必慎思而審行之庶得古
人翼翼之意

塞行初返旆止蹕偶城闐帝典尊明德湯盤鑑日新時
巡惟濟物敷政在安人特詔雲中賦軍需供億頻

汗血馬

驊騮應產渥洼中骨相昂藏汗血紅星角晶熒如掣電
霜蹄蹀躞已追風

聖祖仁皇帝御製文第二集卷四十七

欽定四庫全書

聖祖仁皇帝御製文第二集卷四十八目錄

古今體詩四十首

再度居庸關

雪霽駐蹕大同府

過馬邑望鴈門關

途間紀事

并序

保德州渡黃河

出塞

并序

橫城堡渡黃河

抵寧夏

望賀蘭山

自寧夏出塞濱河行至白塔乘舟順流而下抵

湖灘河朔作

黃河舟行即事

噶爾丹平後示諸臣

晚眺

凱旋言懷

懷來示皇太子

入居庸關

清河觀

皇太后慈顏

近郊

曉望二首

諸皇子來迎示之

見迎駕者

過密雲作

出古北口

口外設屯耕植聚落漸成

經喀爾沁

口外中秋

行圍教漢崇曼查魯忒諸部落

塞外偶述

至廓爾沁部落與諸蒙古宴

秋暮

入烏喇境

松花江網魚最多頒賜從臣

泛松花江

閱窩集

并序

駐蹕烏喇之船廠憶壬戌春夏巡行此地每五

日一奏請

聖祖母太皇太后安今不可得矣書志慨慕

烏喇山嶼間古木灌莽澤潦徧野即黃龍府之
地也今人未暇詳攷賦詩二首

行圍所經灰發葉赫哈達諸地皆我

祖

宗之所開并遺跡存焉賦詩二首

欽定四庫全書

聖祖仁皇帝御製文第二集卷四十八

古今體詩四十首

再度居庸關

草木未甲坼年光屬早春
三番勞遠馭一舉本勤民
峽暖泉聲動風和鳥噪新
會看歌凱入景物盡還淳

雪霽駐蹕大同府

驟飄春雪灑驚沙
重向雲中過翠華
轉盼遐區征調息

期將習俗尚桑麻

過馬邑望鴈門關

南指重山望鴈門蒼然嵐氣結朝昏當春田土皆耕耨
阡陌繇繇古塞原

途間紀事

并序

先是前驅之人言明日駐李家溝僅一井未足庖從
人騎之需豫貯水三百甕尚虞有缺是日朕行至中
途見有一水自三岔堡流來一水自韓家樓流出橫

築一隄以壅之召詢土人云此河久涸三日前河水
忽至有司恐漫衍官道故築此堰朕登高覽觀揆度
地勢若決此堰河水可至李家溝因命侍衛率人疏
濬不兩時河水洋溢流至營外深三四尺人騎汲飲
有餘莫不欣悅向貯之水皆不用昔聞有行師山谷
間靈泉湧出心未之信頃萬人目覩咸以為異朕之
涼德何當天祐耶因紀其事

昔聞靈貺說今見異河來潞曲經山谷汪洋歷澗隈安

營流漸下決堰勢初迴馬飲無須霍人嘗止用杯邨荒
咸得潤夜靜響同雷詎但雷行帳還能沃土垓仰邀天
顧重頓使地形開七校多欣悅何勞渴指梅

保德州渡黃河

入塞河聲壯朝宗勢拱環劃疆分晉野隔岸是秦山城
郭巔崖裏旌旄浩渺間橫流渡舟楫前路指蕭關

出塞

并序

沿邊山行岡嶺崎嶇黃沙彌望因自榆林鎮取道塞

外沙淺途平水草咸便且十二日之程減半得達安
邊堡書以記之

森森萬騎歷駝城

榆林鎮一
名駝城

沙塞風清磧路平冰泮長

河堪飲馬月來大野照移營郵籤紀地旬餘驛羽轡行
邊六日程天下一家無內外烽銷堠罷不論兵

橫城堡渡黃河

歷盡邊山再渡河沙平岸闊水無波湯湯南去勞疏築

惟此分渠利賴多

黃河至處多足為患惟寧
夏開渠種田資以為利

抵寧夏

面水依山古朔方
巡行葆羽下巖疆
戍樓雖設無傳警
甲士皆精力挽強
實政安人導道德
霸圖拓宇說金湯
當年統萬真誇誕
寧夏城相傳為勃勃赫連所築取統一天下而臨萬方之意可謂妄矣
何似於今控制長

望賀蘭山

截業排霄聳處雄
馬頭蒼駁望難窮
遙遮洮隴緜秦塞
迅埽埃氛薄漢功
氣雜雲煙疑結陣
勢迴龍虎狀盤空

金戈夜火長征地盡屬西陲界域中

自寧夏出塞濱河行至白塔乘舟順流而下抵湖

灘河朔作

黃河之源難可窮滔滔來自遐荒中既入洮蘭復西出
飛濤浩瀚聲淙淙來從邊山遠跋涉遣師輓餉兼採風
迴鑾欲假順流便特乘艇艦浮奔洪濤洄大野勢幾曲
沙岸頽突還龍從亂柳排生枝榦密中有巨鹿藏榛叢
遙山轉轉行莫盡忽前俄後迷西東有時塞雲催急雨

晚天霽色橫長虹旌門月上夜皎潔水光直與銀漢通
放權百里只瞬息迅於走坂馳駿驄中宵望見旄頭落
幕北已奏煙塵空

四月十四日夜奏報噶爾丹窮蹙自盡其下悉平

茲行永得

息兵革豈惜曉暮勞予躬長河繇延古鮮歷巡閱乃與
區域同自此寰海樂清晏熙恬萬國咸亨豐

黃河舟行即事

五月山巔雪四時不見花臨流皆險浪步岸是叢葭心
為萬年計身離百日常郵支函首至從此靖龍沙

噶爾丹平後示諸臣

莅寓心無倦寧人慮每周一從沙漠擾時厯深宮憂日
旰食始進未明衣先求或云小醜徒廟堂何須籌或云
自往代茲類難鋤耰念我

祖宗基不與古昔侔沿邊諸外藩奉職如列侯一一効
驅策非徒貢賫修顧此豺狼種狂逞匿林丘侵欺我屬
國潛入我遐陬設竟置罔聞何以示綏柔因之違羣議
秉鉞麾貔貅扼塞伏偏師兼程裹糧餽事無巨與細皆

為先綢繆五月入不毛破賊瀚海頭遁免僅及身資帳
咸躡蹂秋冬再臨邊寒風透重裘方春更遠陟秦晉歷
邑州乞降多詭詞其意本夷猶孽子已成俘族黨紛奔
投未能悔厥心尚思延蜉蝣分道命禁旅夏肅氣如秋
頓爾膺天誅無庸施戈矛幕南與幕北圖與萬里收華
山可歸馬桃林宜放牛息兵培元氣黎庶永安休于野
樂稼穡于朝獻訏謀交泰賴臣工長與蒙天庥

晚眺

軍門延夕眺雲氣澹遙天古塞千峰月平沙萬幕煙旌
旗寒色壯刁斗晚風傳蟬甲從今始功成靖朔邊

凱旋言懷

黃輿奠四極海外皆來臣眷言漠北地梵梵皆吾人六
載不遑息三度勤征輪邊圻自此靜亭堠無煙塵兵革
方既偃風教期還淳興廉遵昔軌崇文育羣倫所用惟
才俊非僅榮簪紳爾俸與爾祿脂膏出細民永念固邦
本不愧王國賓

懷來示皇太子

春初夙駕回當暑探盡黃流岸曲紆只為救寧籌遂馭
不辭煩苦歷征途

入居庸關

始和羽騎出重關風動南薰整旆還凱奏捷書傳朔塞
歡聲喜氣滿人寰懸崖壁立垣墉固古峽泉流晝夜閒
須識成城惟衆志稱雄不獨峙羣山

清河觀

皇太后慈顏

遐方異域絕纖塵奉贄來朝悉我臣今日承歡尤色喜
慈闈悅豫為生民

近郊

鑾輿還旆近郊垌自此邊方賀永寧匝歲歸程當夏月
又逢禾黍雨中青

曉望

喜看西北靜煙氛飲至歸來息我軍向曉馬頭遙指處

日光擁出萬重雲

又

郊圻漸近快時晴
四望關山曉氣清
邊徼往來非得已
驅除總為計生成

諸皇子來迎示之

行盡龍荒到鳳城
三迴寒暑事長征
只須勤儉思無逸
說與艱難遠道情

見迎駕者

疊鼓鳴鐃列旂旌鷄行鷺序續編氓依依馬首蒿呼處
念此歡迎赤子情

過密雲作

秋氣驅殘暑青林墮葉稀馬嘶涼籟動蟬噪夕陽微河
繞遙通塞山迴盡拱畿黍苗膏雨足歲事念民依

出古北口

年年秋獮此經過峭石天成險隘多沙漠名王皆屬國
但留形勝壯山河

口外設屯耕植聚落漸成

沿邊曠地多棄置良非策年來設屯聚教以分阡陌春
夏耕耨勤秋冬有畜積霜濃早收黍暄遲晚刈麥土固
有肥磽人力變荒瘠山下出流泉屋後樹豚柵行之無
倦弛定能增戶籍古來王者治恐亦無以易

經喀爾沁

古木蒼山路不窮霜林颯沓響秋風臨流駐蹕歸營晚
坐看旌門落照紅

口外中秋

荒塞天低夜有霜
一輪明月照蒼涼
不貪玉宇瓊樓看
獨在遐陬理外疆

行圍教漢柰曼查魯忒諸部落

農暇巡侯甸揚旌歷遠途
軍容陳七萃武事講三驅
永罷防秋戍咸為首路趨
晚來圍獵罷羽衛集平蕪

塞外偶述

曉霧迷前嶺蒙茸露未晞
林中呼鹿罷山下射熊歸
水

繞周廬曲原高衆幕圍時平疆域遠萬里盡庭扉

至廓爾沁部落與諸蒙古宴

大野支黃幄長筵藉軟莎恩膏宣塞下部落列山阿
酒沾人醉椎牛饗衆多提攜偕婦穉千帳動歡歌

秋暮

落葉催寒早山山草徧枯雪晴麋得食風急雁銜蘆
松古紵披出林深高下殊漫云沙塞地別自足饒腴

入烏喇境

蒼山岌業路絲延野燎荒原起夕煙幾點寒鴉宿枯樹
半灣流水傍行旃

松花江網魚最多頒賜從臣

松花江水深千尺掇拖移舟網親擲溜洄水急浪花翻
一手提網任所適須臾收處激潏波兩岸奔趨人絡繹
小魚沈網大魚躍紫鬣銀鱗萬千百更有巨尾壓船頭
載以牛車輪欲折水寒冰結味益佳遠笑江南誇魴鮓
徧令頒賜扈從臣幕下然薪遞烹炙天下才俊散四方

網羅咸使登巖廊爾等觸物思比託捕魚勿謂情之常

泛松花江

源分長白波流迅支合烏江水勢雄木落霜空天氣肅
旌麾過處映飛虹

閱窩集

并序

古松林數十里陰翳無際非亭午夜分不見日月

松林黯黯百十里罕境偏為麋鹿遊雨雪飄蕭難到地

啼鳥野草自春秋

駐蹕烏喇之船廠憶壬戌春夏巡行此地每五日

一奏請

聖祖母太皇太后安今不可得矣書志慨慕

曾問

慈寧草奏箋夜張銀燭大江邊重來往事俄追憶轉眼
光陰十七年

烏喇山嶼間古木灌莽澤潦徧野即黃龍府之地
也今人未暇詳攷

層岡翳薈亂高低駿馬迎風不住嘶
磧裏草深行潦闊
遲回應惜錦障泥

二

路轉山環雜古柯覆茅苫舍傍坡陀
疆隅湮沒遼金界
虎穴鷹巢處處多

行圍所經灰發葉赫哈達諸地皆我

祖

宗之所開并遺跡存焉

鐵馬金戈百戰時
戎衣辛苦首開基
榻邊鼾睡聲先定
始布中原一著棋

二

垣墉遺址尚山坳
略地平城闢土茅
滋滌塵沙真不易
仰思遺烈駐雲旂

聖祖仁皇帝御製文第二集卷四十八